



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五四六

織簾書屋詩鈔十二卷 沈兆澍撰

一

吟秋百律一卷朝天集（存一卷）安愚集八卷 阮烜輝撰

九九

安愚堂文鈔十卷 阮烜輝撰

二一五

養默山房詩藁三十二卷 謝元淮撰

三六七

春草齋詩集四卷 謝蕙撰

六六五

養靈根堂遺集不分卷 蔡鴻燮撰

七二五

織簾書屋詩鈔

咸豐二年壬午
早正戶開

序

詩發乎情情不同而詩亦因之而異故頌其詩可以知其人矯情者乖矜情者浮匿其情而雕飾以爲工鉅釘以爲雅剽竊摹仿以爲能是僞而已矣烏足以言情夫情動於中感時興物長言詠歎適中乎音響節奏之自然溫厚和平不蘄勝於人輒有以饜飫乎人心則惟其情之真也余少承庭訓習爲詩及長讀書仕宦自視恆歛然流覽古今直抒胸臆結交半詞人遊迹徧幽冀青兗徐豫荆揚時有述懷詠史贈答行旅之作稿多不存

織簾書屋詩鈔 序

茲檢存者錄之自戊午迄辛亥釐爲十二卷然祇以達吾之情焉而已若忝然自命爲詩人則吾豈敢咸豐元年冬十二月沈兆雲自序於河南按察司署之嘉石庭

織簾書屋詩鈔目錄

卷一

古近體詩八十五首

卷二

古近體詩九十四首

卷三

古近體詩八十首

卷四

古近體詩六十八首

卷五

古近體詩六十八首

卷六

古近體詩七十三首

卷七

古近體詩六十三首

卷八

古近體詩一百十二首

卷九

織簾書屋詩鈔 目錄

古近體詩五十七首

卷十

古近體詩六十五首

卷十一

古近體詩五十九首

卷十二

古近體詩七十首

織簾書屋詩鈔 目錄

織簾書屋詩鈔卷一 戊午至丙子

天津 沈兆澤 雲巢

芥園 舊爲查氏
水西莊

葭莢晚蒼蒼閒遊古渡旁寒風疏落葉歸鳥下斜陽寺

隱孤雲寺名影樓餘豔雪樓名香詩僧聊可語爲就水西莊

春日郊行

帶河門外直沽西野徑春深布穀嘯幾處酒帘紅杏雨

誰家釣艇綠楊隄尋芳恰好逢嘉友得句何煩付小奚

老屋城南歸去晚鐘聲隱隱出招提

織簾書屋詩鈔卷一

霖雨

霖雨閒門掩薜蘿瀟瀟檐溜響層波雲埋午日當窗暗

風送荒雞入夢多壘麥未收愁跪地林花半放惜黏柯

秦州聞道軍書急洗甲應期奏凱歌

曉起

鐘聲破殘夢行冉雲外度臥聞檐雀喧天色知將曙披

衣啟戶牖躑躅庭前步幽林骨寒煙新花泣餘露悠然

見層巖焙微升朝煦羣動未懂擾吾且領清趣

幽居用放翁韻同潤田兄作

懷抱何堪與俗論吾廬卽事總多欣同心友到閒評史

徹骨貧來懶賣文一院有花延皓月十年種樹拂青雲

他時風雨中宵裏應憶寒窗稽古勤

過志三伯祖故居

牕有門前綽楔畱百年零落舊弓裘燕飛不到林花落

惆悵春風問業樓樓舊爲
讀書處

不寐

夜長無久夢坐起聽鐘聲殘月光將墮孤鐙火似明愁

多名念淡靜極道心生好是漆園吏遽然一枕清

織簾書屋詩鈔卷一

冬郊卽目

歲晏久不出偶出豁心目旭日澹空林寒光散茅屋野

曠行人稀迢遰窮崖谷矯矯雲間鶴由由町中鹿年稔

秫稻多前村新醅熟談笑集田翁恬懷足清福

和潤田兄感懷

拓落謾相戲迢然欲答賓盛名當晚達俊士豈長貧花

樣翻時輩風流愛古人襟懷同坦蕩明月是前身

送吳蘇村南旋

浮生行役感飄蓬久客歸途興不窮雲隱泰山尋漢碣

花開茂苑弔吳宮夢殘馬色雞聲外春老鞭絲帽影中
此後離羣知憶我臨歧罇酒惜慇懃

題觀海圖用東坡海市韻

洪濤瀾汗排晴空萬里一瞬蒼茫中披圖陡覺胸襟壯
恍惚御氣遊瓊宮雲霞明滅萬態變木華作賦描難工
奇傑誰與能領此磅礴大氣吞蛟龍昔年登州現海市
重樓霜曉吟坡翁潑墨惜無李思訓偉觀過眼徒稱雄
君胸自是蟠邱壑蚡蜺倣詭生無窮元氣浮沈浴日月
筆所欲到心神融下視江漢一勺水渺如綠蟻浮金鍾

織簾書屋詩鈔卷十

我家津門逼渤澥跨鶴羽毛歎未豐蓬瀛咫尺杳天上
矯首旭日光磨銅豪情豈是臥遊者會當破浪乘長風

通州道中

薄寒新雨後策馬潞城陰殘照遠山墮小橋流水深
鑒明投野店秋老聽清砧遙想北堂夜風霜夢境尋

題散花圖

花飛點點落珠龕色相先教靜裏參我有妙蓮無處著
翻從天女乞筠籃

燕

飛飛雙燕子兩夜定巢忙蓬舍山中穩何須傍畫梁

夜雨

一雨洗殘暑宵深風更涼螢光微入戶花徑暗聞香
久坐捐葵扇安眠稱石牀卻思苦炎熱樂境已羲皇

詠史

雞鳴狗盜亦稱雄毀廢闌然代舍空盡說孟嘗多得士
三千人裏一馮公

存問多情記昔年田文賓客遂三千如何魏子偏遭黜
倉粟區區假與賢

織簾書屋詩鈔卷十一

門下三年寄此身囊錐譏誚太無倫誰知按劍持盤者
卽是羣相目笑人

散財聚衆建奇功效死居然國士風如斯妙計如斯勇
不在當年食客中

公子翩翩世所稱求才皮相總無憑可憐趙氏連城璧
不入平原入信陵

夷門執策意殷勤圍解邯鄲藉樹勳富貴驕人誇好士
千秋慙愧信陵君

如姬臥內竊兵符慷慨何人入趙俱公子恩深臣效命

愛他市井鼓刀屠

謀臣一去身旋敗歎息春申相業空伏甲棘門君始悟
朱英悔不置郎中

長夜

長夜漫漫不肯明寒雞臙臙兩三聲騎驢記得蘆溝上
殘月隨人入鳳城辛酉鄉試展期九月策蹇入都

壬戌二十初度作

喜侍庭幃進兕觥兒年及冠慰親情翼門久伴三鱣集
諸生已未補海屋初聞一鶴鳴十月之交春早到五年以長

織簾書屋詩鈔卷一

五

序隨行潤田兄長揮毫作賦才何有多愧雲間陸士衡
幼歲趨庭之粵東八千里外逐歸鴻金環玉葉聲名噪
雪嶺冰山夢寐通老父歸田遊已倦吾生有命道非窮
清風思紹前人緒六世祖莊敏公居餘姚清風堂不在區區科第中

贈明善和尚

無心著語顛嗔酒不妨禪文士逢青眼精廬憩綠天相
人姑布衲乞之衍波箋世界紛魔障焚香呪鉢蓮

恭和 家大人除夕原韻

得趣詩醇酒亦醇團圓一室話天倫功名志切還安命

菽水歡多不厭貧宦海抽身無事福耆年結社素心人
來朝已是周花甲天展韶光百二春明年正月吾父六十壽適是年閏月二

海光寺

津沽分派海門通爲聽潮音到梵宮十里綠楊環郭外
一聲清磬出林中水深春暖魚龍夜野闊秋高鶴雀風
時倚 御書樓檻望椿桑高捧日瞳矐

月夜憶友人

湘簾捲玉鉤皓月碧天秋花塢明於畫星河淡欲流遙

織簾書屋詩鈔卷一

六

知孤客艇應載暮雲愁攜手何年去同登百尺樓

雪後讀書呈譚子受先生

東郭何緣因客居峨嵋山下有精廬自耽閒寂饒佳趣
萬樹梅花萬卷書

松徑渾疑月色鋪垂帷人坐一鐙孤窗間自點生花筆

不寫山陰訪戴圖

斐几匡牀一室寬花餘蔭葡萄戀檐端春風曾侍先生坐

立到移時不覺寒

恭和 家大人甲子生日原韻

曾祝喬齡周甲子又逢甲子紀年新洛陽結社尊居士
絳縣占星應老人柏葉酒濃三雅暢梅花香暖一堂春
焉逢律書歲在甲日逢逢歲月從頭數丹桂百年依大椿

晚步

晚步丁沽上紅橋幾處連幽林迷遠寺涼意逗疏蟬村
市頻呼酒人家半住船斜陽閃鴉背一一破蒼煙

王仰山草堂

草堂新築愜幽情願我偏勞倒屣迎羨煞君家兄弟樂
紙窗蕉雨讀書聲

輓康道平明經錄一

朔風獵獵失朝暾重訪清標悵鹿門一葉離騷琴七尺
梅花深處弔吟魂

塞下曲陳荔峯宗師試錄一

征人六月據雕鞍無定河邊曉尙寒馬上不須回首望
如今冀北是長安

題蘭雪兄杏花春雨圖卽送之江南

杏花嬌豔雨霏微盪樂秦淮香滿衣一語贈君應記取
江南雖好不如歸

暮春

舊年春來梅逞姿今年春去柳垂絲春來春去常如故
人不年年似少時

卽興

茅齋寂靜似僧房秋盡宵寒刻漏長敲枕疏鐘來竹院
開軒斜月落書牀鸞牋花豔辛夷筆猊鼎煙濃甲煎香
坐久不知天向曉滿林鳥語隔迴塘

恭和 家大人重陽原韻

爲罷登高坐小齋一庭涼氣浸空階花眞解意如人淡
雨亦多情催韻排醺醪斟來堪益壽茱萸插處有同懷

追隨杖履年年健莫問遊山幾綑鞵

秋風

秋風吹送雨連絲倒瀉銀河落九天屋敗不須頻太息
茅檐多少斷炊煙

春日口占

紫陌花開宮錦鋪芳林有鳥喚提壺年來笑我詩情減
如此春光一句無

丁卯下第作

滿城風雨助新愁，照乘明珠又暗投。
作賦不曾逢狗監，還家何愧敝貂裘。
仙人漫隔三山境，豪氣且登百尺樓。
手把芙蓉臨碧水，一罇長嘯海天秋。

恭和 家大人秋懷示兒輩原韻

秋雨灑然至，庭竹滴新綠。
涼氣逼重檐，風鐸戛碎玉。
幽人喜閉關，郊原罷遠矚。
牀前酒一壺，架上書幾束。
陶然適性情，天懷淡自足。
常作千秋想，百歲猶局促。
高才任捷得多榮，亦多辱處已。
夷惠間和介，不隨俗趨庭。
詩禮訓幸承，再三告家風。
緬南岡後世，庶能續。

織簾書屋詩鈔卷十

九

與內子夜話

紙閣一燈紅，宵深煮茗中。
通侯思鄧禹，孺子似梁鴻。
擁絮消霜冷，牽蘿補壁空。
達窮應有命，何取入時工。

春郊卽目

桃花開夾兩岸，柳樹合成一村。
人影低隨谿水，漁舟直到柴門。

恭和 家大人憶舊原韻

天山風冷月輪高，三載歸心折大刀。
賴有曠懷良友共，問花觴詠興偏豪。
曾榮問花草堂集同人觴詠其中

玉門關外故交多，客裏聯吟歲月過。
踏雪旗亭時貰酒，好詞齋聽妙伶歌。

新詩百卷厭行囊，回首黃雲紫塞長。
歸去翻添離別恨，羅浮山遠隔蒼茫。

龍雨樵先生客粵東

夜雨

枕底如聞萬壑流，深宵風雨鎮生愁。
又教射策長安去，一片親心繫客舟。

曉發蔡村

倚閭應爲數歸期，短笠輕衫犯曉時。
久客乍驚鳥聲變，近鄉翻恨馬蹏遲。

織簾書屋詩鈔卷十

十

林花拂水晴逾好，村酒消寒薄亦宜。
能否旬餘重命駕，長安得意慰親慈。

客中端陽寄潤田兄

京華獨自醉壺觴，結夏蕭齋困日長。
囊有新詩難奪錦，客無佳節不思鄉。
綾紋攜刺登門懶，竹葉乘舟入夢涼。
遙想尤羹歡聚處，應憐子季未同嘗。

種花

佳種親栽近水邊，無風卽是養花天。
茶蘼綰得餘春住，莫遣離愁到杜鵑。

聞官軍平滑縣教匪

倉卒戈鋌逞里閭南征大將拜穰苴七旬汲郡銷兵氣
中夜甘泉報捷書振旅虎賁歡脫劍遊魂螳臂歎當車
旄頭光斂妖氛淨捧日祥雲拱 帝居

河內烽煙逼朔方傳聞道路盡倉皇京師漫結中常侍
張寶終職上曲陽赤羽旗開風肅影白蓮花落劍鉞鋌
應知左道誅鋤易買犢耕田歲月長

恭和 家大人臘八夜雪原韻

冬暖久不雪來春虞艱食需急望敢奢頻灑微亦得頗

織廉書屋詩鈔卷十

十一

喜臘鼓催倏動天心惻大地鋪玉塵盈尺積不息傾耳
寂無聲瞥眼渾一色三白兆歲豐耒耜預修飾陰雲尙
濛濛濃漬如潑墨笑無負郭田筆耕復心織

偶成

今人恨不見古人得見遺器如奇珍儻使古人生今日
古心古貌難相親碌碌品評奚足道貴遠賤近淆醜好
千里相思縈夢魂促膝談心殊草草真龍不好好似龍
窺牖失魄噬葉公後世定有愛才者覆瓿底事嘲揚雄
送婁生之正定

憐君纔弱歲千里獨長征馬亂漳沱水山圍鼓子城拋
書違夙好作客識人情負米服勞事無須離恨生

橋亭卜卦硯歌

天津周月東明經得於僧房後歸查恂叔中丞
津門城西海潮庵塵垢坳集草不刪夜夜光芒冲牛斗
疑有千將藏石甬周子偶來瞿曇室牀下獲硯亟拭拂
橋亭卜卦識分明攜取喜是謝公物謝公昔守信州城
迎戰兵敗團湖坪奔走延頸日南望麻衣躡屣變姓名
無聊賣卜建陽市義文圖書周孔字入夢不協熊羆占

織廉書屋詩鈔卷一

十二

有眼長揮鵠鵠淚淪沒土中五百年完好不磷如心堅
護持寶物仗神力何時流落來幽燕珍藏濂溪得所託
心許查君重然諾想見愛古有同情文節九原如可作
鐫背曾傳學士銘元集賢學士程文海有銘乾坤正氣貫星精書齋
不厭千回看石友文山玉帶生

菜傭行

追涼信步遊荒圃中有賣菜傭絮語舊是邑宰蒼頭奴
親見主人供億苦驚聞大府前驅來束帶奔走冒寒暑
肅賓餽客館舍開委積饋三牢陳五脫之作之憲膾豐

糗餌粉醢鹿豕脯納垣車馬嘈雜聲芻薪倍禾因牧園
敢望多足蛇憐羹難堪作威狐假虎坐破中人產十家
微語輒能令公怒鞭笞支吾縻官錢敲扑補苴愁編戶
主人半載飄然歸我亦灌園隨解組此語其然豈其然
一笑置之市蒿苴吟歸飽飫菜根香風前披襟賞好雨

讀商鞅傳

大利惟因民循舊永無數漫笑前人愚至善早精擇商
君具奇才刻薄少恩澤厥術在富疆兼并開阡陌財足
仁義亡馴至秦祚易三代民相安不過禮損益變法以

織簾書屋詩鈔卷一

七

亂國後有王安石

遵法無變更百姓畫一頌未聞禁令行專恃刑罰重徒
木與棄灰黔首受愚弄殘殺叢怨深持矛盛騎從勢若
朝露危侍寵尙驕縱何苦匿姦嚴連坐側目衆無驗亡
平關請君自入甕

登山詠

山外看青山面目快攬勝峯回林壑深描摹入佳詠如
言試尋幽舉趾輒迷徑一爲訪樵夫循蹤陟蘿磴曲折
探窮谷往復愜清興歸來紀遊蹟歷歷皆實證始覺前

言虛臆度徒惑聽修辭立其誠莫以才華競

雜感

求貴而攀援不如韋布尊求富而焦爍不如簞瓢樂名
利任自然澹泊全吾天超然富貴外世上皆神仙
心不存利濟枉作折腰吏財不通有無枉作守錢奴仁
義非矯矯吾自從吾好書生慙力微小善奚足道

送人之江南

春晚江南去思君經歲回去時杏花落回路杏花開

雜詠

織簾書屋詩鈔卷一

七

澗底孤松秀風來捲碧濤大夫五株列祗是託根高
天下無雙豔花開朝酒酣何如樹謾草蠲忿更宜男
善媚復多疑妖狐變化奇縱然工蠱惑怕入董生帷
光閃雨冥冥涼宵燐火青生憎秋後草作意化流螢
楚楚蜉蝣羽書蟬笑粲然誰知三食字猶可作神仙
謝豹子規聲子規自呼催歸晚弄晴杜鵑還杜宇小鳥
最多名

日夜鳴何益跳梁一怒休井蛙焉用式渺小子陽僞
鶴唳九臯聞凌霄入白雲仙姿自高潔不待立雞羣

詠史 錄十

重華昔倦勤總師傳禹王豈當耄期歲遠道遊瀟湘江
神有二女列仙非英皇大風博士對附會尤荒唐鳴條
記孟子升道曰陟方南巡蒼梧野啟疑自子長
九侯女不淫紂因醢九侯西伯聞之歎被譖羑里囚無
何釋弗誅弓矢拜賜稠天王洵明聖轉圜別有由閼天
獻美女適與好色侔西施進吳宮千載學忠謀

李斯相始皇詩書厄秦火漢初百家言雜進淆取舍惟
有董仲舒六藝尊儒者黃老與申韓盡絕無一可沈溺

織簾書屋詩鈔卷一

十五

挽狂瀾傾危支大厦如孟闢異端功不在禹下

漢武本多欲公孫勸廣大逢君愧賢臣進言工附和內
深而外寬齊人信多詐張湯甘朋比董相致轆軻曲學
以阿世早遭轅固罵海上牧豕兒儒術歎久假

雲臺標名將圖畫首鄧禹列宿應星文佐命開疆土中
興推戰功智勇皆召虎二十八人中所重洵在武密令
褒德侯乃與元勳伍循吏特表揚此識超千古

秣陵陶隱居煙霞得肆志作詩薄清談養生辭高位梁
武早與遊恩禮稱倍至受書焚香讀手敕心腹寄溺愛

邵陵王舍身同泰寺大議杏山中所咨誠何事

吳子將伐齊興役城邦溝江淮道以達南北利行舟漢
晉數百載常懷淤塞憂開皇大疏濬兼匯諸湖流如秦
築長城防邊鞏金甌甘斂一時怨善爲萬世謀

積德貽子孫讀書自振拔文行歷千年權勢無由奪黃
金輕滿籬朱門戒壯闊家聲紹清白外物等毫末樹愛
召伯棠世寶魏公笏平泉珍艸木德裕殊不達

李愬入蔡州市肆安如故名分示三軍囊韃迎裴度具
此大將才諒無不情訴韓愈作碑文愬黨皆觸怒進讒

織簾書屋詩鈔卷一

十六

衛彌工仆碑卒莫悟丞相第一功惜被婦言娛

大臣格君非竭誠在忠讜匡救達本心依違來羣枉惜
哉王子明封禪先受賞上天何言哉五鬼任欺罔披緇
亦徒然臨終心悵快先識眞聖人名相慙李沆

織簾書屋詩鈔卷二 丁丑至庚辰

天津 沈兆溪 雲巢

出西直門

一鞭曉指五雲開
楊柳陰疏碧水隈
十丈紅塵飛不到
西山晴翠撲人來

微雨

微雨滌餘暑
亂蟬催晚晴
西風疏樹杪
一片怒潮聲
市近人偏澹
心閒夢亦清
夜來歸境熟
秋水抱孤城

七夕

津門迢遞隔長波
尺素頻通奈別何
小院夜深風露冷
有人獨坐看銀河

秋夜

一夕秋風起
故鄉思轉深
持螯新釀熟
把釣晚煙沈
徑爲看花掃
詩多聽雨吟
懷茲不成寐
霜氣逼重衾

秋菘同江小園作

翦韭曾當春
滋鬱蒸土氣
獨遲遲一畦寒
夜攜鋤處
九月濃霜壓
葉時北地園
蔬茲獨絕貧
家風味最相宜
題詩笑問三吳客
可代香尊慰遠思

將返津門畱別小園小舫昆仲 時寓雨園少詹京邸

竭來半載滯京華
好趁秋風返客車
得第原期娛白髮
歸期應不負黃花
重陽日爲家慈壽辰
河梁小別無須憶
風雨聯牀且共誇
記取楓林霜落後
一鞭晴指鳳城霞

歸途作

言旋心迫路偏賒
黃葉聲多雜暮鴉
曾記日行三百里
春風來看上林花
榜發後自天津一日抵京

秋原振策晚煙含
蓼岸聊停月下驂
樹繫漁舟門逐水
依稀人到小江南

張灣示張生瑛

蒼莽暮秋天
燕都並轡旋
樹多平似薺
山遠淡于煙
場漈嗟年歉
人歸讓鴈先
一時集韓孟
詩句客中聯

和小園重陽移居

相依不賦仲宣樓
下榻新居傍御溝
樹影濃分堂北畔
書聲近接屋東頭
與君分袂無多日
笑我看花已過秋
晨夕重來樂與數
淵明卜宅句堪酬

偶成

平泉草木鬱葱籠
隔巷陰連古剎松
最好五更清夢破

不聞車馬只聞鐘

大光明殿在西安門內

碧天如水浸秋月宮殿巍然地敞豁黃瓦雜以青琉璃
瑤房瓊室光發越前朝中葉道教崇西苑華構民力竭
丹楹花礎盤金龍七寶莊嚴神仙窟上奉玉皇下力士
珠闕三千冠林樾飛閣凌空臨玉池迴廊攢階駢石砌
白鹿真人密講丹青詞宰相齊執笏髣髴雲車降九霄
太乙壇縈香秘辭舊觀於今羽士居遊人盡許清都謁
碧城十二曲闌干坐憩聊喜紅塵歇我來湛露霏涼宵

鐵簾書詩鈔卷二

三

拜斗殿旁息車軌江村記詠移居詩門前金碧瞻天闕

高文恪公賜第在其左有門前金碧瞻天闕句

菊影和虛白夫人韻

簾輿栗里感當年愁對黃花九月天難續斷魂三徑裏
空畱幻相一鐙前未知冷澹能傳否爲憶飄零已惘然
月下白衣還自弔孑然孤立亦堪憐

不寐

怪底冬來夜偏從客裏長多愁催鬢髮無夢到家鄉迂
拙友朋厭貧窮兄弟忘此懷誰遣得霜雪寺中涼

痛恨違心事麻衣事遠征病軀僮僕惜寒士別離輕墓

下蔬誰奠檐前樹有聲漫漫長夜裏鵲鳩自悲鳴

未卜松楸宅難爲菽水謀一身虧養葬中夜起哀愁負

米關山遠封阡歲月悠不才空自歎白髮欲盈頭

聚首天涯久同爲失怙人謂小園昆仲年華驚易逝憂患倍

相親割宅愛余厚欲同居不果瞻雲思母頻頻行衣上淚痕

跡尙如新

久不得家書

敲枕宵寒夢未成月光偏向客窗明雲中恨殺南飛鴈

鐵簾書詩鈔卷二

四

不達鄉書到北京

遊梁氏園

梨花如雪撲簾旌庭院春風片片輕惆悵梁園賓客散

一池流水斷橋橫

送陳建堂孝廉還濰縣

路指家山大小珠萍蹤我自滯京都歸心已逐東流水

三日隨君到直沽

送小舫之津門

樽前懊惱聽驪歌小聚恩恩奈別何二十五年尋舊夢

桃花渡口夕陽多

吟鞭斜拂晚煙痕風景江南村外村一路鶯聲嘯不斷
垂楊綠到帶河門

迢迢七十二沽西沽上花飛逐馬蹏我在客中偏送客
春深怕聽子規嘯

都門感懷用留別韻

驚見慈幃兩鬢華飢驅無計強登車畏行萬里蠻山路
芸閣師招遊來看三秋老圃花落木聲添遊子淚輕軒
粵西不果行樂讓故人誇愁腸酒化思親淚不似當年泛紫霞

得家書

慰我思家意書來失笑披妻貧能事母兒幼解吟詩舊
帙曬防蠹秋花栽傍籬平安珍兩字常爲達京師

盆梅復開和小舫

依舊容顏勻染時橫斜疏影上窗宜寒宵自耐殘冬厄
老幹甯嫌生意遲一縷纏絲畱玉魄幾番珍重護冰姿
料應尚有和羹用又遣春風到故枝

蘆溝橋

葭蒼露白暮秋天人自南行水北流何事輕拋蘿薜徑

西風涼雨過蘆溝

涿州

日下經涂九軌通危橋林際駕長虹三篙水汜河魚上
千里途歧驛馬東自古巖疆開戰伐至今大樹識英雄
金臺璀璨尋何處幾點寒鴉夕照中

雄縣

長隄一綫路迢迢趙北燕南十二橋幾樹婆娑橋畔柳
棲鴉流水總魂銷

曉行

霽色挂鞭絲長隄日暮時淡煙漁父艇疏柳酒家旗秋
老鴻飛急途遙馬去遲故園一回首千里晚雲垂

十二連城歌

燕南趙北十二城睥睨零落牆垣傾兔葵燕麥望無際
當年絡繹屯甲兵靖難操戈眞勁敵勦寇授鉞乃書生
蘇橋潰懸魯公冑鄭村退靡齊侯旌貔貅北來五十萬
一時捲簾秋風輕入濟幸依鐵參政還京愧對黃子澄
惜哉九江文忠子庸如趙括墮家聲雄關重疊易破竹
至今空傳李家營薊門霜落長河外疏柳寒煙驛路平

龍戰前朝誰得失
麟麟不斷客車行

河問道中

舊是賢藩地
延賓築日華
臺空縈蔓草
碣斷臥平沙
黃葉孤村暗
青山落照斜
廣川前路近
訪古一停車

河間懷古

漢武崇儒進賢良
公卿一時集
綰臧文學平津工
緣飾通經獨有河間王
冬官爲補考工記
諸生咸列弟子行
被服造次遵仁義
獻樂對策流芬芳
胡爲杜業逞譚語
縱酒有如信陵亡

事見漢名臣奏

好古燔餘守殘闕
史遷遺事

續集書屋詩鈔卷二

七

失表揚六藝經天同不朽
瀛海故國垂星芒

過紀文達公故里

詩才瑤瑟泛瀟湘
博洽胸羅四庫藏
恨我瓣香生太晚

淵源空溯閱微堂

漢爲公門下門生

獻縣

曙色催行客
林深策馬來
輕風挾急雨
相送過瀛臺

懷小園昆仲

曉發瀛海臺
荒城雨中過
空濛萬春山
芙蓉青婀娜
陷淖我馬蹇
亭午息道左
敝車如輕舟
風來欲掀簸
漸聽

暮蟬疏微看溼雲
破行行投野店
鐙昏僮僕情遣悶
強裁詩獨唱誰與和
遙想踏歌人
焦窗事清課

阜城縣

麟麟聲不歇
三舍別河間
城護衡漳水
雲分寶氏山
輕衫空翠溼
積潦桔槔閒
旅鴈看排字
江鄉應候還

景州曉發

草草凌晨發
征途爾許忙
微名競蝸角
歧路繞羊腸
塔影霧中失
野花田畔香
書臺尋董里
煙樹隔微茫

望嵒華山

續集書屋詩鈔卷二

八

馬上看山得得來
嵒華秋淨溼雲開
修眉翠黛渾如畫
爲憶凝妝玉鏡臺

苦雨

春來常苦旱
秋來常苦雨
經旬泥淖中
攬轡遑東魯
厯下聊息止
又見商羊舞
波濤注屋檐
苔蘚上楹柱
城北大明湖
良遊阻數武
兀坐斗室中
嗒焉忘朝午
側聞衛河水
漫溢遍畿輔
禾稼未登場
田疇已成浦
嗟哉終歲勤人難足
二鬴竈下蛙競鳴
雲端龍餘怒
我欲禱天公
調劑憫下土
來春麥苗新
滂沛膏澤普